

مراحل تصميم الطرق

(نظري وتطبيقي)

أولاً: علشان اصمم طريق يبقى لازم يكون عندي شوية حاجات اساسية وهي كالتالي:

إختبارات للتربة — دراسة للنقل — دراسة للمرور

إختبارات التربة: دي حاجة مهمه جدا لان على اساس الاختبارات دي هحدد الاجهاد بتاعة التربة اللي انا المفروض هصمم عليها هقدر احدد نوع طبقات الرصف (الطبقات الانشائية لرصف الطريق) وسمك كل طبقة .

دراسة النقل: لو انا هصمم طريق يربط مخطط ما بمخططات تانيه مجاورة له يبقى لازم اعرف ايه عوامل الجذب في كل مخطط من المخططات المجاورة وكمان في المخطط اللي انا بصممه طريق يربطه بالمخططات التانية اللي هتخلى الناس تستخدم الطريق اللي انا بصممه علشان تنتقل من والى المخطط والحاجات دي زي (مدارس — مولات — حدائق) .

دراسة المرور: هحدد من خلالها حجم المرور اللي هيمر على الطريق اللي انا بصممه وانواع السيارات اللي هتمرعليه واللى على اساسها برضو هقدر احدد ايه انواع الرصف المطلوبه علشان تتحمل اجهادات المركبات دي بانواعها المختلفه وسمك طبقاتها .

بعد ما جمعت كل اللي انا محتاجه من معلومات من التلات عناصر اللي فاتت دي هبتدى اصمم.

وعلشان اصمم يبقى لازم اعرف انى عندي نوعين من التصميم

تصميم هندسي: تحديد المسار الافضل للطريق وبراعي فيه اختيار مسار يضمن لى ثلاثة عناصر مهمه (الاقتصادية — الامان — الراحة)

تصميم انشائي: ودا الى بحدد من خلاله طبقات الرصف وانواعها (طبقة اساس مساعد — طبقة اساس — طبقة اسفلت رابطة — طبقة اسفلت سطحية) .

يلا بيينا بقى نروح على كيفية التصميم باستخدام برنامج Civil 3D

وعلشان اصمم بالبرنامج لازم اعرف ان التصميم دا برضو ينقسم الى حاجتين مهمين

الأولى: تصميم الطرق ودا انا بعمله باستخدام Civil 3D زى لوحات (البلان والبروفایل والقطاعات العرضيه)

الثانية: فرش الطرق ودا بيكون عاده نماذج جاهزة انا كمصمم باخدها وبعدل عليها ودا بيكون باستخدام الاوتوكاد العادي زى لوحات (العلامات الارضييه والعلامات الارشادية ولوحات تفاصيل الاسفلت والقطاعات).

خطوات تصميم أى طريق باستخدام برنامج Civil 3D

اولا أعمال التصميم باستخدام Civil 3D

لازم يكون عندي رفع مساحي لمسار الطريق اللى انا هصممه ويتكون الخطوات كالتالي :

- ادخال الرفع المساحي لبرنامج Civil 3D
- تكوين السطح للارض الطبيعية EG SURFACE
- عمل مسار الطريق ALIGNMENT
- عمل قطاع طولى للطريق على السطح بتاع الارض الطبيعية EG PROFILE
- عمل قطاع طولى تصميمي FG PROFILE
- عمل نموذج للقطاع العرضي CREATE ASSEMBLY ولو عندى اكثر من قطاع بعمل اكثر من نموذج
- عمل كوريدور CREATE CORRIDOR
- تكوين السطح النهائي للاسفلت TOP SURFACE ودا باستخدامه لايخرج المناسيب النهائية للسطح
- تكوين السطح النهائي لمنسوب الفريما DATUM SURFACE ودا باستخدامه فى أعمال حساب الكميات

بالنسبة باقى لباقي اللوحات للجزء الثاني باستخدام الاوتوكاد العادي

هنعمل اللوحات التاليه

- لوحه لتصريف مياه المطر (ودا لو التصريف عندى سطحي) هوضح عليها بالسهم اتجهات حركة المياه على الطرق
- لوحه لتفاصيل القطاعات العرضيه TYPICAL DETAILS
- لوحه للرفع المساحي للارض الطبيعية ودى بتكون أول لوحه فى اللوحات التصميمية بالنسبة للترتيب

ايخرج اللوحات بنراعي فيه شوية حاجات

أول حاجة الترتيب بيكون كالتالي

- لوحه Key Map ودى بعمل فيها جدول يوضحلى اسماء وارقام اللوحات بالترتيب
- لوحات الرفع المساحي

- لوحة الموقع العام
- لوحات البلان والبروفایل
- لوحات القطاعات العرضيه
- لوحات تفاصيل القطاعات العرضيه
- لوحات التصريف
- لوحات العلامات الارضية
- لوحة تفصيليه للعلامات الارضية
- لوحة العلامات الارشادية
- لوحة تفصيلية للعلامات الارشادية

كل لوحة من اللوحات اللى فاتت دى بيكون ليها **FRAME** وبيكون فى كل **FRAME** من الجنب جزء صغير متوضح فيه بيانات للوحات زى بيانات الجبهه المالكه واللوجو واسم المشروع وبيانات جهة التصميم والاشراف واللوجو الخاص بيهم وبيانات اللوحه (اسم ورقم ومقياس رسم) كمان بيكون فيه جزء مفاتيح اللوحه (اختصارات بتوضح ايه اللى داخل اللوحه من عناصر)

إعداد مهندس : خالد عبدالكريم

<https://www.facebook.com/Eng.Khaled.Abdelkarim>